



**გორის მუნიციპალიტეტის  
საკრებულო  
განკარგულება № 123**

**2022 წლის 8 ივლისი  
ქალაქი გორი**

**გორის მუნიციპალიტეტის მერიის შეზღუდული შესაძლებლობის მქონე პირთა უფლებების დაცვის 2022 წლის სამოქმედო გეგმის დამტკიცების შესახებ**

„შეზღუდული შესაძლებლობის მქონე პირთა უფლებების შესახებ“ საქართველოს კანონი განსაზღვრავს შეზღუდული შესაძლებლობის მქონე პირთათვის დისკრიმინაციის გარეშე და სხვებთან თანაბარ პირობებში დამოუკიდებელი ცხოვრებისა და ცხოვრების ყველა სფეროში მათი სრულყოფილი მონაწილეობის ხელმისაწვდომობის ძირითად პრინციპებსა და მექანიზმებს. ამასთან, ამავე კანონით დადგენილია, როგორც ზოგადად, ადმინისტრაციული ორგანოების (მუხლი 21), ისე ცალკეული უწყებების, მათ შორის მუნიციპალიტეტის ორგანოების ცალკეული ვალდებულებები კანონით განსაზღვრულ სფეროში, კერძოდ, ადმინისტრაციული ორგანო ვალდებულია:

ა) უზრუნველყოს არსებული და მშენებარე შენობა-ნაგებობებისა და სხვა სახის ინფრასტრუქტურის უნივერსალური დიზაინის დანერგვა ან/და უნივერსალური დიზაინის შესაბამისად ადაპტირება შეზღუდული შესაძლებლობის მქონე პირთათვის, თავისი მმართველობის სფეროში მოქმედი ყველა დაწესებულების სრული მისაწვდომობის უზრუნველსაყოფად;

ბ) უზრუნველყოს შეზღუდული შესაძლებლობის მქონე პირებისათვის თავის სისტემაში არსებული ყველა შესაბამისი სერვისის სრული ხელმისაწვდომობა, შესაბამის საჭიროებებზე მორგებული, ადაპტირებული პროგრამებისა და მასალების (მათ შორის, აუდიოწიგნი, ბრაილის შრიფტით დაბეჭდილი წიგნი, სურდოთარგმანი, სუბტიტრი) შეთავაზების ჩათვლით;

გ) „ა“ და „ბ“ პუნქტებით განსაზღვრული ვალდებულებების შესასრულებლად შეიმუშაოს და დამტკიცოს ადაპტირებისა და უნივერსალური დიზაინის უზრუნველყოფის სამოქმედო გეგმა, განსახორციელებელი ღონისძიებებისა და შესაბამისი ვადების მითითებით, უზრუნველყოს მისი შესრულების ზედამხედველობა;

დ) თავისი კომპეტენციის ფარგლებში, ხელი შეუწყოს საქართველოს მთავრობის მიერ დამტკიცებული ერთიანი სტრატეგიისა და სამოქმედო გეგმის შესრულებას;

ე) უზრუნველყოს შესაბამისი კადრების მუდმივი გადამზადება შეზღუდული შესაძლებლობის მქონე პირებთან ურთიერთობისათვის საჭირო უნარების განვითარების მიზნით;

ვ) თავისი კომპეტენციის ფარგლებში, მონაწილეობა მიიღოს ამ კანონით გათვალისწინებული ნორმატიული აქტების, სტრატეგიების, სამოქმედო გეგმებისა და ინსტრუქციების შემუშავებაში და ხელი შეუწყოს მათ იმპლემენტაციას;

ზ) განახორციელოს „შეზღუდული შესაძლებლობის მქონე პირთა უფლებების შესახებ“ საქართველოს კანონის მე-3 თავით გათვალისწინებული სხვა უფლებამოსილებანი.

ზემოაღნიშნული კანონი, ასევე ადგენს, უწყებათა უფლება-მოვალეობებს გარდამავალ პერიოდში (მუხლი 37), მათ შორის ადმინისტრაციული ორგანოების ვალდებულებას, უზრუნველყონ „შეზღუდული შესაძლებლობის მქონე პირთა უფლებების შესახებ“ საქართველოს კანონში აღნიშნული 2021-2035 წლების ერთიანი სტრატეგიით განსაზღვრული ვალდებულებების შესასრულებლად შესაბამისი მუხლებით გათვალისწინებული წლიური სამოქმედო გეგმების შემუშავება და დამტკიცება მათთვის სავალდებულოდ განსახორციელებელი ღონისძიებებისა და შესრულების ვადების მითითებით;

ზემოაღნიშნულიდან გამომდინარე, გორის მუნიციპალიტეტის საკრებულოს მიზანშეწონილად მიაჩნია დამტკიცდეს საქართველოს რეგიონული განვითარებისა და ინფრასტრუქტურის სამინისტროს 2021 წლის 26 მარტის N01/837 წერილით გორის მუნიციპალიტეტის მერიაში გაგზავნილი „მუნიციპალიტეტის შეზღუდული შესაძლებლობის მქონე პირთა უფლებების დაცვის 2021 წლის სამოქმედო გეგმის ნიმუშის“ შესაბამისად გორის მუნიციპალიტეტის მერიის მიერ შემუშავებული და გორის მუნიციპალიტეტის საკრებულოსთვის წარმოდგენილი „გორის მუნიციპალიტეტის მერიის შეზღუდული შესაძლებლობის მქონე პირთა უფლებების დაცვის 2022 წლის სამოქმედო გეგმა“.

საქართველოს ორგანული კანონის „ადგილობრივი თვითმმართველობის კოდექსის მე-16 მუხლის მე-2 პუნქტის „უ“ ქვეპუნქტის, მე-19 მუხლის „ბ“ ქვეპუნქტის და 61-ე მუხლის 1-ლი და მე-2 პუნქტების, „შეზღუდული შესაძლებლობის მქონე პირთა უფლებების შესახებ“ საქართველოს კანონის 21-ე მუხლის და 37-ე მუხლის მე-3 პუნქტის „ა“ ქვეპუნქტის საფუძველზე, გორის მუნიციპალიტეტის საკრებულო ადგენს:

1. დამტკიცდეს გორის მუნიციპალიტეტის მერიის შეზღუდული შესაძლებლობის მქონე პირთა უფლებების დაცვის 2022 წლის სამოქმედო გეგმა დანართი 1-ის შესაბამისად.
2. დაევალოს გორის მუნიციპალიტეტის მერიას ამ განკარგულების 1-ლი პუნქტით დამტკიცებული სამოქმედო გეგმის განხორციელების მიზნით შესაბამისი ღონისძიებების გატარება.
3. განკარგულება ძალაში შევიდეს ხელმოწერისთანავე.
4. განკარგულების გასაჩივრება დაინტერესებული პირის მიერ შესაძლებელია მისი გაცნობის დღიდან ერთი თვის განმავლობაში სარჩელის წარდგენის გზით გორის რაიონულ სასამართლოში (მის: ქ. გორი, სერგო ჯორბენაძის ქ. №30).

საკრებულოს თავმჯდომარე



დავით რაზმაძე

გორის მუნიციპალიტეტის მერიის შეზღუდული შესაძლებლობის მქონე პირთა უფლებების დაცვის 2022 წლის სამოქმედო გეგმა			
მიზანი 1. (სტრატეგიის მიზანი 3.5)	შეზღუდული შესაძლებლობის მქონე პირთა უფლებების დაცვის გაძლიერება და საზოგადოებრივი ცხოვრების ყველა სფეროში მათი მონაწილეობის გაზრდა.		
ამოცანა 1.1. (სტრატეგიის ამოცანა 3.5.2)	შშმ პირების დამოუკიდებელი ცხოვრების ხელშეწყობა და მისაწვდომობის გარანტიების გაძლიერება.		
	ამოცანის საბაზისო მაჩვენებელი: <i>კანონი „შეზღუდული შესაძლებლობის მქონე პირთა უფლებების შესახებ“ ითვალისწინებს შშმ პირების მისაწვდომობის გარანტიების გაძლიერებას, ადმინისტრაციულ და სხვა ღონისძიებების გატარებას ადგილობრივ დონეზე.</i>	ამოცანის საბოლოო მაჩვენებელი: <i>შშმ პირების მისაწვდომობის გარანტიების გაძლიერების განხორციელება დაწყებულია ეტაპობრივად ადმინისტრაციული და სხვა ღონისძიებების გატარებით.</i>	
აქტივობა 1.1.1.	გორის მუნიციპალიტეტში შ.შ.მ. პირების სრულყოფილად ადაპტაციის მიზნით მიმდინარეობს, სოციალური და ჯანდაცვის პროგრამების დახვეწა და მათი შემდგომი განვითარება. _შენობა-ნაგებობების მშენებლობისას და რეაბილიტაციისას „მისაწვდომობის ეროვნული სტანდარტების“ სრულყოფა. არსებული პროგრამების ეფექტიანად განხორციელების მიზნით მუნიციპალიტეტის თანამშრომელთა კვალიფიკაციის ამაღლება.		
	აქტივობის შედეგის ინდიკატორი: შ.შ.მ. პირების სრულყოფილად ადაპტაციის მიზნით მოქმედი სოციალური და ჯანდაცვის პროგრამები.	შესრულების ვადა	დაფინანსების წყარო
			მუნიციპალიტეტის ბიუჯეტი
			სხვა

	აშენებული და რეაბილიტირებული შენობა-ნაგებობების შესაბამისობა „მისაწვდომობის ეროვნული სტანდარტებთან“. გადამზადებული თანამშრომლების რაოდენობა	2022 წლის მე-4 კვარტალი		საქართველოში მოქმედი არასამთავრობო ორგანიზაციები და მათი დონორები
	<b>პარტნიორი უწყება:</b> საქართველოს რეგიონული განვითარებისა და ინფრასტრუქტურის სამინისტრო. საქართველოში მოქმედი არასამთავრობო ორგანიზაციები			
<b>აქტივობა 1.1.2</b>	<u>გორის</u> მუნიციპალიტეტის მერიის ბალანსზე არსებული ადმინისტრაციული შენობების იდენტიფიცირების დაწყება, რომელიც შესაძლებელია დაექვემდებაროს ადაპტირებას.			

	აქტივობის შედეგის ინდიკატორი: იდენტიფიცირებულია სულ მცირე 10 შენობა	შესრულების ვადა	დაფინანსების წყარო	
		2022 წლის მე-4 კვარტალი	მუნიციპალიტეტის ბიუჯეტი	სხვა
			ადმინისტრაციული ხარჯი	საქართველოში მოქმედი არასამთავრობო ორგანიზაციები და მათი დონორები
	<b>პარტნიორი უწყება:</b> საქართველოში მოქმედი არასამთავრობო ორგანიზაციები და მათი დონორები			